

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XVI. De concessione bonorum Ecclesiasticorum Consanguineis, & Affinibus
Rom. Pontificis, ejusque gratiis per Concessum.

[urn:nbn:de:hbz:466:1-74715](#)

contrarium præmissorum quomodolibet concessis, confirmatis, & innovatis; Quibus omnibus, & singulis, illorum tenores præsentibus pro plene, & sufficienter expressis, ac insertis habentes, illis alias in suo robore permanensuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

S. 5. Volumus autem, ut earumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo persona in Ecclesiastica Dignitate constituta munitis, eadem prorsus fides in Judicio, & extra illud habeatur, quæ haberetur ipfis præsentibus si forent exhibitæ, vel ostensæ.

Datum Romæ apud S. Mariam Majorem sub
Annulo Piscator. die XXI. Junii MDCXCII. Pon-
tificatus nostri Anno Primo.

XVII.

Præscribitur moderatio servanda a Pontifice in concedendis bonis Ecclesiasticis suis Consanguineis, & Affinis, horumque loco adletis; necnon modus in signandis Gratia per Concessum ipso agrotante.

*Alex. VIII. Const. ed. 1690. Mar. 15. P. 1. iterum
restituuntur redditus Vice-Cancellario. Et hujus
Pontificis Const. ed. 1693. Octob. 15. P. 2. modus
imponitur Card. circa Privilegium testandi.*

Dat. 23. Juni
1692. An. I.

INNOCENTIUS EPISCOPUS

*Servus Servorum Dei. Ad perpetuam rei
memoriam.*

Exordium.

Romanum decet Pontificem, tanquam fide-
lem servum, & prudentem, quem consti-
tuit Dominus super familiam suam in Ecclesia
Catholica conspectu acutum suum ita ordinare,
ut ipse quidem in diebus suis placeat Domino,
& inveniantur iustus, haec forma gregis ex ani-
mo, & bonus sit Christi odor in omni loco; cæ-
teri vero Antisitites, & Ecclesiarum Prælati in
partem sollicitudinis, cuius ei commissa est ple-
nitudo, vocati, aliquie Christifideles, quos cu-
ra sua divinitus creditos in viceribus paternae
gerit charitatis, ejus exemplo, atque præcepis
caduca mundi hujus despiciere, carnisque, &
sanguinis laqueos effugere, ac de bonis, & re-
bus Ecclesiæ juxta aquitatis, & iustitiae leges
disponere, & spiritualium remigio alarum ad cæ-
lestia contendere, atque evolare auxiliante Do-
mino condiscant. His ad ea Sacrorum Cano-
num instituta, quæ Episcopis, ne bonis, & red-
ditibus Ecclesiæ Consanguineos suos augere stu-
deant, interdicunt, considerationis nostræ aciem
convertentes, eam Nobis in suprema Beati Pe-
tri Apostolorum Principis, cui caro, & sanguis
non revelavit, Sede constitutus ab ipso Pontifi-
catus nostri primordio servandam proposuimus,
& hæc tenus Deo adjuvante servare studuimus dis-
ciplinam, ut in honorum, & redditum ad hanc
Sanctam Sedem, & Cameram nostram Apostoli-
cam spectantium distributione iustitiae, atque
prudentiae leges, & regulas accurate custodien-
tes, summam meritorum, nullam autem car-
nis, & sanguinis, aut cuiuscumque humani affec-
tus rationem haberemus, & licet in Dei misé-
ricordia speremus, tales nobis successuros Ro-
manos Pontifices, qui non minus hac in parte,
quam in reliquis munus suum impleant, & Ec-
clesiam universam spiritualium aromatum odore
perfundant; nihilominus ea, quæ Nobis licere
non patimur, aliis indicare, salubremque in San-
cta Romana Ecclesia omnium Ecclesiarum Ma-
tre, & Magistra circa præmissa normam, & le-
gem constitutre, atque stabilire decrevimus.

§. 1. Habita igitur super his cum Venerabilibus Fratribus nostris ejusdem S. R. E. Cardinalibus deliberatione matura; ac de illorum consilio pariter, & assensu ad Omnipotentis Dei

1692.

gloriam, Apostolicæ Sedis honorem, ac Antistitum, Praetorum, aliorumque Ecclesiasticorum edificationem, & bonum exemplum, hac nostra perpetuo valitura Constitutione statuimus, atque decernimus, salutarem hanc de cætero in dicta S. R. E. servari rationem, atque disciplinam, ut nec a Nobis, nec ab ullo Romanorum Pontificum successorum nostrorum ad favorem nostrorum, sive suorum respective Fratrum, Neptorum, aliorumque quorumcumque Consanguineorum, seu Affinium, sive illorum, quos in locum Nepotum, aliorumque Consanguineorum, per cooptationem in familiam, aut alter adlegi, seu adfici contigerit, de bonis, pecuniis, locis Montium vacabilium, & non vacabilium, officiis venalibus, illorumque pretio, creditis, redditibus, rebus, & juribus quibuscumque ad Sedem, & Cameram praefatas quovis modo spectantibus, vel quandocumque spectaturis, etiam ex emolumentis Dataria, Cancelleria Apostolica, Secretariae Brevium, spoliorum Ecclesiasticorum, & quarumcumque Palatii Apostolici portionum, seu distributionum provenientibus, liberalitatis, & donationis, aliove quovis gratuito, seu lucrativo titulo directe, vel indirecte, etiam servitorum, & meritorum, quæ tamen talia non sint, ut ex lege iustitiae eam exigant remunerationem, aliove qualibet colore, seu prætextu, sive etiam supra veram ipsorum servitorum, & meritorum rationem ullo modo in posterum disponatur.

Quid fas sit
in casu ino-
piæ eorum.

propter inopiam laboratorum, potest Romanus Pontifex pro tempore existens pro timorata sua conscientia illorum paupertatem eodem omnino modo sublevare, quo Pauperum extraneorum inopia subvenire fas est.

§. 3. Ne autem, quod directe prohibetur, indirecte permittatur magnorum stipendiiorum, seu honorariorum nonnullis Sedis praedictarum officiis, seu muneribus, quae Consanguineis, vel Affinis, seu adlectis, vel adscitis praeferuntur concidi ut plurimum confluverent, a signatarum ratione, stipendia, provisiones, sive salaria, & honoraria, & alias quomodolibet nuncupari solita emolumenta quaecumque, qua antehac per Cameram praedictam in Civitate Avenionensi, & Comitatu Venayssino nostris in spiritualibus, & temporalibus Vicario Generali, ac in illis, & vicinis quinque Provinciis ejusdem Sedis de Latere Legato praefarsi, & solvi plerunque solita, & confusa fuerunt: Superintendentis vero Generalis negotiorum Sedis Apostolicae, necnon totius militiae, tam equestris, quam pedestris status nostri Ecclesiastici Gubernatoris, & Capitanei Generalis, itidemque Classis, & Triremium Pontificiarum Praefecti, illiusque, & illarum Commissarii, & Locumtenentis Generalis, Arciumque, & Turrium ad littora maris tam Adriatici, quam Thyrreni existentium Superintendantis Generalis, Praefecti quoque Generalis utriusque custodiz corporis Romani Pontificis, ejusque Locumtenentis Generalis, item Castellani Arcis S. Angeli de Urbe, Gubernatoris, ut alias deputabatur, Civitatis Beneventanae, cuius tamen gubernium ad instar aliorum praedicti nostri status, prout in praesentiarium servatur, remaneat, & Arcis Beneventanae Praefecti; item Gubernatoris Oppidi nostri Civitatis Vetus, ac demum Perusinae, Anconitanæ, & novæ Asculanae respective Arcium Praefecti, seu Castellani, Officia, & munera ipsa cum omnibus, & singulis illorum, & cuiuslibet eorum iuribus, prærogativis, stipendiis, salariis, & emolumentis qui-

Urgente ne
cessitate ea
renovari pos
sunt, sed cer
ta scientia.

In Ecclesia
sticis perso
nis attenda
tur dumta
xat meritum,
& dignitatis
gradus.

Cardinalibus
assignari ne
queunt ad vi
tam plus
quam 12.
millia scuta.

Si fecus quid
fiat, id suc
cessor Ponti
fex rescindat.

buscumque perpetuo supprimimus, & abole
mus, illaque deinceps, quomodocumque, &
quandocumque renovari prohibemus, nec cui
quam de cætero assignari, & præstari, seu con
cedi, & conferri respective volumus, atque de
cernimas. Quod si pro rerum qualitate, tem
porumque contingencia, manifesta, urgensque
necessitas munera, seu officia militaria hujusmo
di, vel aliqua ex eis de novo institui exegerit,
viros ad illa assumi volumus, & mandamus,
strenuos, & fideles, eximia virtute præstantes,
reique militaris apprime peritos, & in illa diutu
no, ac probato usu exercitatos, quibus Romani
nus Pontifex pro tempore existens secundum da
tam sibi a Domino sapientiam pro ratione labo
ris, industria, atque periculi competenter, & con
gruentia stipendia assignabit. Porro si nostri, suc
cessorumque nostrorum Romanorum Pontificum
pro tempore existentium Fratres, Neptes, &
alii quicumque Consanguinei, seu Affines, sive
veri, sive, ut præfertur adlecti, & adsciti vi
tam Ecclesiasticae elegerint, ac Ecclesiarum, &
Monasteriorum, aliorumque Beneficiorum, &
Officiorum Ecclesiasticorum, ac annuarum Pen
sionum super eorum fructibus consecutionis ca
paces fuerint, eam in redditum, & proven
tuum Ecclesiasticorum distributione eis facienda
servari volumus moderationem, ut nonniſi juxta
eorum merita, & non ultra congruum pro gra
dus, vel dignitatis, quem, vel quam in Eccle
sia obtinuerint, nullo ad consanguinitatem, af
finitatem, seu adlectionem erga Romanum Pon
tificem habito respectu suscitentationem, ejusmo
di redditus, & proventus Ecclesiastici eis distri
buantur, quo custodita in omnibus Ecclesiastica
disciplina, atque justitia distributiva regula,
nemini relinquatur conquerendi, vel obloquen
di occasio; sed Ecclesiastica stipendia ministran
tibus in Ecclesia Dei, æqua lance pro uniuscujus
merito assignentur.

§. 4. Quoad illos autem ex Fratribus, Nepo
tibus aliorumque Consanguineis, seu Affinis Roman
orum Pontificum pro tempore existentium præfatorum; sive veris, sive ut præfertur adlecti, & adsciti, quos eximiis eorum ita exi
gentibus meritis ad sublimem Cardinalatus digni
tatem assumi contigerit, eam quoque de cæ
tero servari volumus moderationem, ut Eccle
sia, Monasteria, Commenda, aliave cujusvis
generis Beneficia, & officia Ecclesiastica, ac pen
siones annuae super illorum fructibus unicuique
eorumdem respective conferenda, commendanda,
& concedenda, ac reservanda, & assignan
da, verum valorem annuum duodecim milliu
scutorum monetæ Romane computatis insimul
Beneficiorum, & officiorum quibuscumque fruc
tibus, & pensionum quantitatibus, in totum
non excedant: in ea tamen taxatione non com
prehendantur emolumenta officiorum ejusdem
Apostolicae Sedis, & Romanae Curiae S.R.E. Car
dinalibus demandari, seu concedi solitorum,
aliorumque munerum, quæ ipsis non ad vitam,
vel in perpetuum, sed ad tempus seu beneplac
itum Romani Pontificis pro tempore existentis
demandata, seu concessa fuerint. Declarantes,
quod deinceps præfati, qui vitam Ecclesiasticam
elegerint, seu ad sublimem Cardinalatus digni
tatem fuerint assumti, quoscumque Titulos
fructuum reservationibus gravatos, sive præven
tivas, vel eventitias pensiones ultra moderatio
nem, ut supra respective præscriptam nullatenus
assequi valeant.

§. 5. Quod si forsitan (quod abſit) modus cir
ca præmissa sic congrueret, salubriterque præ
scriptus in posterum excedatur, cura erit Roma
ni Pontificibus successoribus, donationes gra
tuitas, seu lucrativas dispositiones, excessivas
subventiones, munera, & officiorum, seu il
lorum stipendiorum, & emolumentorum con
cessiones, ac reddituum, & proventuum Eccle
siasticorum distributiones, necnon collationes,
commendas, concessiones, reservations, & af
signationes, aliaque præmissa contra, vel ultra
modum, ut præfertur, præscriptum factas, seu
facta, rescindere, revocare, & in nihilum redi
gere, ac ut præfertur, donata, elargita, con
cessa, collata, commendata, reservata, & assig
nata a Consanguineis, & Affinis, sive veris,
sive adiectis, & adscitis præfatis, eorumque Ha
redibus, & successoribus respective, etiam ma
nu regia, & de Apostolica potestatis plenitu
dine vindicare, & auferre, ac Cameræ Aposto
lica applicare, & incorporare, aliisque respective
conferre, commendare, concedere, & assignare,
ac alias desuper opportune providere, seu dis
ponere.

§. 6. Quia vero ægotante Romano Pontifice
nonnunquam contigit, ut Signaturæ gratiarum,
quæ per Concessum fieri dicuntur, modum illum
excedent, quem ipse Romanus Pontifex dum
bene valebat, servare conserverat; statutus,
autem decernimus, ut ii, quibus ejusmodi Sig
naturas per Concessum a Romano Pontifice ægot
ante, etiam per Chirographum speciale manu
ipsius Romani Pontificis subscriptum, vel alias
quomodocumque committi contigerit, cujus
cumque status, gradus, Ordinis, & Dignitatis
fuerint, etiam Cardinalatus honore præfulgeant,
nullas hujusmodi gratias signare, vel expedire
valeant, nisi fuerint ad illas exhibiti duo ejus
dem S.R.E. Cardinales, qui una cum signato
re prefato coram ipsomet Romano Pontifice
eas concedente, ac expediti mandante, earum
de gratiarum supplicationibus, sive minutis,
aut Chirographis, aliisque concessionum Scrip
turis subscrivant, alioquin quidquid secus actum,
gestumve fuerit, nullum, irritum, & invalidum,
nulliusque sit roboris, vel momenti, & qui huic
saluberrimæ sanctioni contravenerint ab ipso Ro
mano Pontifice sanitati restituto, vel ejus suc
cessoribus condignis pœnis puniantur.

§. 7. Ut autem præmissa omnia, & singula
perpetuo, & inviolabilitate observentur: volu
mus, & Apostolica auctoritate decernimus, ut
sicut ejusdem S.R.E. Cardinales in Romana Cu
ria praesentes hanc Constitutionem quantum in
eis erit, observare, illique non contravenire,
nec ullis contrafacientibus, etiam Romanis Pon
tificibus consentire, nec absolutionem a juramento
præstito petere, nec oblatam, aut concessam acceptare promiserunt, & jurarunt, item
quoque per absentes ab eadem curia dictæ San
ctæ Romana Ecclesiæ Cardinales, quandocum
que ad eam advenirent, ac per futuros Cardina
les in assumptione Pilei promitti, & jurari de
beat, promissioque, & juramentum hujusmodi
in forma juriamenti per eosdem Cardinales pra
stari soliti adjungantur, & adscribantur. Occu
rente autem quandocumque ejusdem Apostolica
e Sedi vacazione iidem Cardinales in Concla
vi quando de observantibus fel. rec. prædecessoru
m Nostrorum Iulii PP. II. super electione Ro
mani Pontificis, Pi PP. V. ne Civitates, & loca
S.R.E. infendentur, & Sixti PP. V. de pecuniis
in Arce S. Angeli positis inde non amovendis,
aliisque nonnullis Constitutionibus Apostolicis
juramentum præstare solent, etiam de præsenti
Constitutione per quemlibet eorum, qui Ro
manus Pontifex electus fuerit, inviolabilitate ob
servanda, & postmodum ipse ad Supremi Apost
tolatus officium assumptus, post assumptionem
hujusmodi hoc ipsum promittere, & jurare de
beat, servatis etiam aliis omnibus, & singulis
illis, quæ circa juramentum hujusmodi in prae
fata Sixti prædecessoris Constitutione Anno In
carnationis Dominicæ millesimo quingentesimo
octagesimo sexto, undecimo Kal. Maii Pon
tificatus sui Anno primo edita præscribuntur.

Modus serva
dus in signan
dit gratis
per Concessum
ægotante
Pontifice.

Hæc Conſi
tuſio conſi
ſtanda eft ju
ramento ab
omnibus
Cardinali
bus, & Pon
tificibus.

¶ 8. Has quoque nostras literas in libellum redigi, & post predictas Julii, Pii, & Sixti, quae in Conclavi legi solent, aliorumque predecessorum nostrorum Constitutiones adjungi, & in quinto Cancellaria nostra Apostolicæ una cum aliis Constitutionibus Apostolicis adscribi, & ad Valvas Ecclesiæ Lateranensis, Basilicæ Principis Apostolorum, dictæque Cancellaria, & in Aice Campi Floræ de Urbe publicari, ipsarumque præsentium literarum transumptis, seu exemplis, etiam impressis manu alicujus Notarii publici subscrisptis, & sigillo personæ in Ecclesiastica dignitate constitutæ munitis, eamdem prorsus fidem, tam in judicio, quam extra illud ubique haberi volumus, quæ iisdem præsentibus haberetur, si forent exhibite, vel ostensa.

Sanctio pos-
nalis.

¶ 9. Nulli ergo omnino hominum licet paginam hanc nostrarum Constitutionis, Suppressionis, Abolitionis, Taxationis, Statutorum, Decretorum, Voluntatum, & Mandatū infringere, vel ei ausu temerario contraire. Si quis autem hoc attentare præsumperit, indignationem Omnipotenter Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominice millesimo sexcentesimo nonagesimo secundo. Decimo Kal. Julii, Pontificatus nostri Anno Primo.

† Ego Innocentius Catholicæ Ecclesiæ Episcopus, promitto, voveo, & juro.



† Ego Alderanus Episcopus Ostiensis Cardinalis Cybo, promitto, voveo, & juro.

† Ego Jacobus Episcopus Tusculanus Cardinalis Fransonus, promitto, voveo, & juro.

† Ego P. Episcopus Prænestinus Cardinalis de Alte-
riis S.R. E. Camerarius, promitto, voveo, &
juro.

† Ego F. Tit. S. Praxedis Presbyter Cardinalis Maidalchinius, promitto, voveo, & juro.

† Ego Carolus Tit. S. Laurentii in Lucina Pres-
byter Cardinalis Barberinus, promitto, voveo,
& juro.

† Ego Nicolaus Tit. S. Calisti Presbyter Cardinalis Acciajolus, promitto, voveo, & juro.

† Ego Galpar Tit. S. Maria Transtiberim Presbyter Card. Carpinus, promitto, voveo, & juro.

† Ego Caesar Tit. SS. Trinitatis in Monte Pincio Presbyter Card. de Estrees, promitto, voveo, &
juro.

† Ego Franciscus Tit. S. Matthæi in Merulanæ Presbyter Cardinalis Nerlius, promitto, voveo, & juro.

† Ego Hieronymus Tit. S. Sylvestri de Capite Presbyter Card. Casanate, promitto, voveo, & juro.

† Ego Galeatus Tit. SS. Quirici, & Iulite Presbyter Card. Marecottus, promitto, voveo, & juro.

† Ego Fabritius Tit. S. Chrysogoni Presbyter Car-
dinalis Spada, promitto, voveo, & juro.

† Ego P. Thomas Howardus Tit. S. Marie super
Minervam, Presbyter Card. de Norfolkia, pro-
mitto, voveo, & juro.

† Ego Joannes Baptista Tit. S. Cecilia Presbyter
Card. Spinula, promitto, voveo, & juro.

† Ego Fr. Laurentius Basilica SS. XII. Apostolo-
rum Presbyter Card. de Laurea, promitto, voveo,
& juro.

† Ego Jacobus Tit. S. Marie de Araceli Presby-
ter Cardinalis de Angelis, promitto, voveo, &
juro.

† Ego Marcus Antonius Barbadicus Tit. S. Su-
sanæ Presbyter Card. S. Susanna, promitto,
voveo, & juro.

† Ego Joannes Tit. S. Petri in Monte Aureo Pres-
byter Cardinalis de Gassen, promitto, voveo,
& juro.

† Ego P. Maria Tit. S. Marcelli Presbyter Card.
Petrucius, promitto, voveo, & juro.

† Ego Joseph Saens Tit. Sancte Balbinæ Presbyter
Cardinalis de Aguirre, promitto, voveo, &
juro.

† Ego Leander Tit. SS. Nerii, & Achillei Pres-
byter Cardinalis Coloretus Major Pænitentia-
rius, promitto, voveo, & juro.

† Ego Fortunatus Tituli SS. Joannis, & Pauli
Presbyter Card. Carafa, promitto, voveo, &
juro.

† Ego Bandinus Tit. S. Pancratii Presbyter Cardi-
nalis Panciaticus, promitto, voveo, & juro.

† Ego Ferdinandus Tit. S. Clementis Presbyter
Card. de Abdua, promitto, voveo, & juro.

† Ego Tussanus Tit. S. Agnetis extra mænia Pres-
byter Cardinalis de Janson Forbin, promitto,
voveo, & juro.

† Ego Jo. Baptista Tit. S. Laurentii in Pane, & Per-
na Presb. Card. Rubinus, promitto, voveo, & juro.

† Ego Jo. Baptista S. Anastasiæ Presbyter Card.
Cosagatus, promitto, voveo, & juro.

† Ego Urbanus S. Maria in Vialata Diaconus Car-
dinalis Sacchettus, promitto, voveo, & juro.

† Ego Fulvius SS. Cosmæ, & Damiani Diaconus
Card. Astallius, promitto, voveo, & juro.

- † Ego Petrus S. Laurentii in Damaso Diaconus Card. Ottobonus S. R. E. Vice-Cancellarius, promitto, voveo, & juro.
 † Ego C. S. Mariae in Cosmedin. Diaconus Cardinalis Bichius, promitto, voveo, & juro.
 † Ego Aloisius S. Mariae in Porticu Diaconus Card. Homodeus, promitto, voveo, & juro.
 † Ego Joannes Franciscus S. Adriani Diaconus Card. Albanus, promitto, voveo, & juro.
 † Ego Franciscus S. Angelii in foro Piscium Diaconus Cardinalis Barberinus, promitto, voveo, & juro.
 † Ego Laurentius S. Mariae in Aquiro Diaconus Card. de Alteriis, promitto, voveo, & juro.

XVII.

Præscribuntur facultates, quæ competunt Majori Pœnitentiariorum, & quomodo ab eo exerceri debeant.

Non eadem semper fuit facultas Majoris Pœnitentiariorum, ut constat ex Constitutionibus infra laudatis, videlicet. Pii IV. Conf. ed. 1562. Maji 3. P. 3. Pii V. Conf. ed. 1569. Apr. 28. P. 4. & Conf. ed. 1569. Jun. 17. P. 4. Gregorii XIV. Conf. ed. 1591. Apr. 10. Urbanii VIII. Conf. ed. 1634. Septem. 17. P. 12. Et aliorum Pontificum. Hujus Pontificis Conf. ed. 1692. 7. Idus Maji, P. 1. reformata fuit judicium facultas circa redditum homicidarum. Et Conf. edit. 1692. Novemb. 18. P. 2. revocata fuit facultas Tribunalium particularium.

Dat. 3. Sept.
1692. An. 2.

INNOCENTIUS EPISCOPUS,

Servus Servorum Dei. Ad perpetuam rei memoriam.

Procemium.

Romanus Pontifex omnium Christifidelium Pater, & Pastor, ejus, qui ut peccatores pretiosi sui Sanguinis profusione redemptos salvos faceret, semetipsum exinanivit, vices-grens in Terris ad ea, per qua sibi cælitus commissi gregis salutis uberioris consulitur præcipuis debet, & indefessis studiis incumbere, sibique in Petro Apostolorum Principe attributam potestatem, qua infallibili Christi Domini Testimoniio, quidquid solverit super terram, erit solutum & in Cælis, per se, & respective per alios provida dispensatione exercere. Hujus considerationis intuitu Romani Pontifices Prædecessores Nostri Pœnitentiariorum Apostolica Officio, & Majori Pœnitentiariorum quamplures, & amplias facultates concederunt, illasque aliquando, in iis præfertim, quæ forum internum non concernebant, reformatum, & quandoque ampliavunt, & immutarunt, prout rerum, & temporum circumstantiis, opportunitatibus, & vicisitudinibus attente penatis, censuerunt in Domino salubriter expedire.

A Pio IV. reformata fuit auctoritas officii Pœnitentiariorum.

S. 1. Alias siquidem post antiquiores Officii hujusmodi status felic. record. Pius PP. IV. Prædecessor Noster Officiorum, & Tribunalium Romanorum Curia Reformationi Pastorali, sollicitudine intentus, ad ejusdem Pœnitentiariorum Officium, in quo morum censura, & animarum salus præcipue vertitur, considerationis sua oculos direxit, habitaque desuper cum tunc existentibus S. R. E. Cardinalibus deliberatione matura, ipsoque Majore Pœnitentiariorum, ac ejus Officialibus auditis, ac omnibus mature consideratis, de eorumdem Cardinalium consilio, quod de cætero perpetui futuri temporibus pro tempore existens Major Pœnitentiariorum, Regens, Correctores, Superiores, & Procura-

tores, ac alii quicumque ejus Officiales, & Ministri ab eorum omnium, quæ in tunc confectis capitolis, & prohibitionibus continebantur, & forum internum, seu pœnitentiale plerumque non respiciebant, concessione, & commissione penitus cessare, & abstinerre deberent, per quodam suas anno Incarnationis Dominicae millesimo quingentesimo sexagesimo secundo, quinto Nonas Maji Pontificatus sui anno Tertio expeditas Literas auctoritate Apostolica statuit, & ordinavit.

S. 2. Successive recol. me. Pius PP. V. etiam Prædecessor Noster tempus, & necessitatem, suique Instituti rationem postulare perpendens, ut in multis Romanæ Curiae rebus novam deinceps formam proponeret, ejusmodi vero curam ipsum impensis sollicitare, ut ad ea in primis incumberet, que salutem, & periculum respiciebant animarum, ac præfato Pœnitentiariorum officio initium capere, novam illi profuturis facultatem statuere volens, de Apostolicae potestatis plenitude omnem, & quacumque ejusdem Officii, & Pœnitentiariorum Majoris auctoritatem, Jurisdictionem, & potestatem ordinariam, & delegatam, ac omnia, & quacumque privilegia, facultates, & indulcta illis, ceterisque omnibus dictæ Pœnitentiariorum tunc existentibus Collegiis, & Personis ab ipsius Officii institutione per quoscumque Romanos Pontifices Prædecessores suos, ac seipsum, & Sedem Apostolicam, etiam Motu proprio, & ipsius certa scientia, deque prædictæ potestatis plenitudine tam in genere, quam in specie, ac de mandato speciali, & expresso etiam vivæ vocis oraculo emiso, & ex quibuscumque causis concessa, confirmata, ac etiam pridem a memorato Pio IV. Prædecessore reformata, restrita, & moderata, quibuscumque concepta formulis, ac etiam restrictivis, derogatoriis, aliisque fortioribus, & efficacioribus, ac etiam vim contractus inducentibus clausulis, necnon irritantibus, & alius Decretis suffulta, quorum omnium tenores haberi voluit pro expressis, quacumque essent (potestate Minorum Pœnitentiariorum suorum, & ordinationibus de illis, eorumque statu tunc pridem editis Literis salvis, & integris remanentibus) revocavit, suppressit, & abolevit, & alias prout in ejusdem Pii V. Prædecessoris quarto Kalen. Maji Anno prefatae Incarnationis millesimo quingentesimo sexagesimo nono, & Pontificatus fui quarto desuper expeditis Literis uberioris continetur.

S. 3. Utque memoratus Pius V. Prædecessor habita de Ministrorum qualitate, numero, functionibus, & Officii ratione explicata novam futuris formam de integro præscribere valeret, quam ipsum Pœnitentiariorum Officium certis quibusdam facultatibus, quæ aliis Officiis magis convenienter, exoneratum, atque expeditum, deinde ea, que Animarum salutem præcipue concernebant, attentiore studio prosequeretur, quinto decimo Kalen. Julii ejusdem anni millesimi quingentesimi sexagesimi noni duas edidit Constitutiones, in quarum prima quæ incipit - *In omnibus rebus*, Ministrorum qualitatem, numerum, functiones, & Officia in posterum ordinavit: In alia vero, quæ incipit - *Ut bonus Pater familiæ*, Pœnitentiariorum hujusmodi Officium nonnullis ibidem relatis facultatibus dumtaxat, quas pœnitentialis munera maxime proprias, ac egenitum Christifidelium remedio accommodatas censuit, communivit.

S. 4. Deinde nihilominus idem Pius V. Prædecessor, ejusque Successores Romani Pontifices quampluribus vivæ vocis oraculis, & piæ mem. Gregorius Papa XIV. pariter Prædecessor Noster etiam suis in forma Brevis die decima Aprilis anni millesimi quingentesimi nonagesimi

A Pio V. revocata fuit omnis auctoritas Pœnitentiariorum, ea excepta Minorum Pœnitentiariorum.

Ab eodem Pio V. instituta fuit nova forma Officii Pœnitentiariorum.

A d. Pio. & Gregor. XIV. multoties ampliata fuit Pœnitentiariorum auctoritas.

primi